

光緒山西通志

金石記七

記五之七

山西通志弟九十五

賜進士出身頭品頂戴兵部侍郎兼都察院右副都御史巡撫山西提督軍務臣張爾華

旨監修

碑碣 遼 金

遼

太宗聖德神功碑

天顯十年 舊在太原縣

遼史本紀晉帝至河陽命收瘞戰歿士卒於汾水上築爲

京觀系雜翰爲文紀上功德
周師圍太原碑爲所毀北漢再刻之見十國春秋

慈雲寺舍利塔記

開泰八年 今在天鎮縣城

謹案碑文僧和照撰前題雲州天城縣創建無垢淨

光法舍利塔記後書開泰八年歲次己未九月甲寅朔丁卯日建蓋沙門紹旼嘗造陀羅尼經幢天成令劉海川爲建塔功未竟而去後令牛洪成之碑記其功德也碑云無垢淨光陀羅尼經者自大唐天冊金輪皇帝萬歲元年天竺三藏觀貨羅國沙門彌陀山譯布中夏焉今此碑及幢並存寺中

桑乾河修橋碑

太康十年 舊在天鎮縣大南鄉

謹案碑爲沙門崇雅建橋於七侯村自記其緣起也據記凡爲石倉者三駕以木梁四費至一千貫乃成今橋久圯桑乾夾岸諸村屢仿其制糜金無算訖無所就崇雅雖縹流其才殆有過人者碑後書太康十

年五月二十日立蓋道宗在位之三十年也

寶宮寺斷碑

舊在應州城

志略寺爲遼清甯二年建內木塔道宗賜額曰釋迦宏微
稱宇內第一元延祐二年改寺名佛宮明萬厯間重修田
蕙撰記云寺無碑記僅得斷石一片書遼清甯二年由和
尙奉勅募建十二字

覺山寺碑

今在靈邱縣東南二十里

靈邱縣志碑闕撰書人姓名略云元魏太和七年二月
二十八日孝文帝值太后升遐日哭於山陵絕膳三日
不輟聲思答母恩乃於邑之東南二十里覺山關寺一

區賜額曰覺山寺招集禪衲五百餘眾棲息於內衣糗畢具仍勅六宮侍女長年持月六齋其精進內典者並度爲尼一時勝舉也至遼大安五年八月鎮國大人行獵經此見寺宇摧毀還朝日奏請皇帝道宗旨勅下重脩仍賜錢十萬山田百四十餘頃地之興復大倍於昔因勒石紀焉時大遼重熙七年五月二十五日

謹案碑所云太后謂孝文生母思皇后李氏也孝文以皇興元年生三年四月命名七月立爲太子又三年受禪卽帝位魏制後宮產子將立爲儲貳其后皆賜死北史后妃列傳思皇后以皇興三年薨然則碑所云二月二十八日乃其賜死之日也孝文居文明太皇太后之喪勺飲不入口五日絕酒肉不內御者

三年此則值其生母忌日追悼亡靈別建道場亦情事所必至史稱人倫之難事帝皆盡之則謂哭於山陵絕膳三日云云殆非虛語也惟思皇后從葬金陵在雲中帝紀太和七年無北幸事釋老志亦無帝建寺度僧及令宮女爲尼事或史有闕略也然孝文妃貞皇后林氏生太子恂以是年依舊制薨傳言帝性仁恕不欲襲前事以稟文明太后命不果行斯又帝之隱痛有觸於懷忌日之禮歲常行之不必定於謁陵時也碑敘事未工而語多可信必有所本惜闕其撰人及年月然大安重建文稱爲道宗皇帝似立石當在天祥時而縣志乃於碑末署重熙七年則在大安以前五十年亦太不考矣

山陰縣志卷九十五
金石記
三十一
節度使沙彥珣墓銘

舊在山陰縣南三十里沙家村

大同府志墓在沙家寺東山坡碣銘明正德中水沖出
字多殘缺

右遼碑碣

金

鹿苑寺宋尙書省牒記

天會五年五月 今在洪洞縣

謹案記爲本寺主持沙門永因撰刻於碑之下方其上則宋治平二年十一月勅賜寺名牒也牒列吏部侍郎參知政事趙吏部侍郎參知政事歐陽尙書侍郎兼戶部尙書平章事曾右僕射兼門下侍郎平章

事僕射獨不書姓與治平元年潞城真如寺牒稍異
又趙官戶部歐陽官兵部此碑則皆爲吏部檢宋史
宰輔表又皆以禮部侍郎參知政事列傳並同疑此
碑或誤書也牒後又刻治平三年正月七日帖列銜
有權知觀察推官陳節度推官馮尙書駕部員外郎
僉書節度判官廳公事王尙書都官員外郎通判軍
州事洪光祿卿直祕閣知軍州事李姓下俱書押皆
晉州官也其人則無從考矣天會五年爲宋靖康元
年金史太宗本紀是年五月庚寅朔宋康王構卽位
於歸德婁室降解絳慈隰石河中岢嵐甯化保德火
山諸城而無晉州證以此碑則州爲金有正同時史
不書及略也

董父廟碑

天會十一年 今在聞喜縣東鎮

謹案廟祀董池神舊爲女像天會癸丑邑令賈葵始
正其祀自撰文記之而刻於後周顯德碑之陰

三嶼廟碑

天眷元年 今在鳳臺縣盤龍山

鳳臺縣志記云周廣順始立廟天眷改元歲次壬午案

云戊午重加修葺鄉士盧瑛撰書廣順周太祖改元祇三

年所謂天眷改元歲次壬午則熙宗元年也案熙宗以

年正月卽位承用太宗號至天會十五年正月始詔明年改元天眷又考三嶼爲夏時

侯國湯伐之其地在襄垣屯留界有三嶼山俗言其神

能興電傷稼土人祀湯以禱雨澤以三嶼能爲電冰亦

祀之以弭災碑云宋加封豐貶爵號無勅牒可考

董池廟碑

天眷四年 今在聞喜縣倉底廟

襄垣修城碑

天眷中 楊丹撰今存

謹案碑爲天會九年縣令韓俊嘗增修外城後韓去任始追立者府志金初隨在兵起民被劫掠襄垣令韓俊拒御之鄉民歸依者城不能容乃築外城且嚴且築卽其事也碑云朝廷嘉其有功遷以榮職迄冷公去六載一境無虞則碑當立天眷初年矣

省窳谷記

皇統元年六月 王庭直撰舊在高平縣

謹案殺谷在縣西北十五里爲白起坑趙卒處唐易名曰省冤宋運判馬城嘗啟墳掩其遺骸庭直爲令更起供堂歲時祭帛而記其事也記稱去谷十里餘崖岸爲雨所崩露骨數車於長脰骨間存銅漆矢一入骨寸餘始知人骨之難朽也今其地亦往往獲箭鏃及戈頭云

清虛觀葬枯骨碑

皇統二年 今在平遙縣

平遙縣志鄉貢進士李致堯撰并書悲苦哀涼慘不可讀天發殺機無可奈何真仁之至義之盡也一銘猶可泣鬼神書全似歐陽率更

南澤州刺史左祕德政碑

皇統三年八月 今在澤州府署大門內

鳳臺縣志河陽縣令程莘撰隴西李億書書文俱佳金
史澤州天會二年加南字以別於北澤州大德三年去
南字左公祕太師企弓之子而程莘則邑人也任飛騎
尉賜魚袋前爲孟州河陽令

帝堯廟碑

皇統三年 高平范藻撰今在浮山縣堯山

武周山耿氏三家志

皇統四年 今在大同府西二十里

明一統志武周山下有耿氏三家金皇統四年建塔文曰
光祿子曰銀青孫曰昭勇

謹案碑爲天下金石志著錄列入北魏誤

聞喜宣聖廟碑

皇統四年 今在文廟見縣志碑目

香積院重結涅槃會碑銘

皇統六年 今在汾陽縣官村三賢廟

汾陽續志係住持汾州天甯寺傳法賜紫總大師了覺
撰文駢體頗清麗可誦末題大金皇統六年歲在丙寅
四月八日立石

九龍井碑

皇統八年 今在太原縣北三里

太原縣志碑云人有疾病以井水飲之多愈

靈光寺碑

皇統中 平陽府尹楊伯雄撰今在襄陵縣東南北梁村

南園記

正隆二年 舊在絳州

舊通志南園有無邪堂快軒觀察韓子端記

古賢寺彌勒殿碑

正隆二年 趙安時撰今在陵川縣南九仙臺

廣濟渠碑

正隆三年 張元喆撰舊在孝義縣

謹案碑稱正隆二年雨不時降邑民蘇仲禮世習儒業宋淇者精通算術以積水窺管知地形高下於孝子河岸買渠地十餘頃就築家里河口三處及邑之東北司馬里上下二十里七月十九日啟土至次年四月二十五日落成會朝廷賜廣濟院因以名渠云

真澤二仙祠碑

天德四年

趙安時撰今在陵川縣

詳見唐乾甯四年樂氏二女父母墓碑

英濟侯廟碑

大定二年

史純撰今在陽曲縣烈石口

志略碑稱汾水之濱有祠名英濟俗呼爲烈石神神爲春秋時趙簡子臣寶犢字鳴犢生而烈直志比秋霜死也英靈能興雲雨宋元豐八年封英濟侯云云

潞城重修宣聖廟記

大定二年五月

張著撰文見縣志

西京大華嚴寺碑

大定二年

在大同府西門內

大同府志大華嚴寺重修薄伽教藏碑郡人段子卿撰

記張公徽篆額沙門法慧書

普照寺牒

大定三年 今在鳳臺縣巴公原

普覺寺牒

大定三年 今在鳳臺縣西四義村

鳳臺縣志禮部二牒並大定三年十二月十五日勅賜

格式與宋牒相似而官階稍異後細書令史向昇主事

安押大書朝議大夫太常丞權員外郎劉押中憲大夫

行員外郎李押郎中侍郎正奉禮部尚書翰林承旨知

制誥修國史王前二行書某僧某寺舊無名額已納訖

錢數乞立院名勘合屬實須至勘合者宋時凡天下名

勝寺觀等奉勅行查給賜牒額或州縣代爲陳請求給

勘合至金則納錢百貫方準給牒較宋爲濫矣

慈雲寺碑

大定三年 今在臨縣東南五十里

香岩寺碑

大定三年 今在霍州新壁村

大清觀牒

大定三年 今在聞喜縣東宋村見縣志碑目

龍崗寺碑

大定三年 趙安上撰今在陵川縣西南二十里雲川鄉

義泉里

龍祥觀碑

大定三年 今在黎城縣王曲里

潞安府志金大定元年道士張可用建觀前水泉時見
瑞彩三年奏請賜額進士王大用撰記

謁無盡居士祠堂詩

大定三年八月 王雷撰今在壽陽縣方山

壽陽縣志無盡居士宋相張商英也雷祁縣人詩七律

汾州修學碑

大定四年 汾陽軍節度使李山撰今存

甯國寺碑

大定四年 今在甯鄉縣南五十里白石村

洪福院牒

大定四年 今在長治縣西李村

大雲寺牒

大定四年 今在長治縣南雄山上

長治縣志洪福院牒文漫滅惟後潞州職官列銜字三
行可辨又雄山大雲寺亦有是年勅牒文並殘闕

海會寺宴集詩碣

大定五年

今在陽城縣東三十里

卽龍泉寺

陽城縣志李致美序郭方書詩五言以禪房花木深爲
韻作者何慮楊之休李宴鄭輝劉廷彥也全金詩所錄
禪字韻闕名花字韻不錄木字韻作縣丞鄭輝深字韻
作劉邦彥又有禪字韻爲楊天衢作致美原序云宴自
洪園受代來陽城省親家兄而適以事趨州因拉何良
知楊嗣卿鄭德先劉邦美相遇於此縱觀壁間諸公詩
有以竹徑通幽處爲韻者遂用其下五字禪房花木深

各賦一篇以紀其來

李長者著華嚴論記

大定五年 今在壽陽縣方山昭化寺

志略行書不詳撰書人貞元乙亥十二月記大定間立石
昭佑廟碑

大定九年 今在臨晉縣

保德軍重建廟學碑

大定十年

保德州志朝散大夫知保德軍上騎都尉開國子食邑
五百戶賜紫金魚袋高懷貞建

藏山廟碑

大定十二年六月 今在孟縣北神泉堡

志略同知蔡州防禦使智楫撰行孟縣尉孫德康篆鄉貢進士薛頤貞書孟縣令燕毅等立石按藏山傳爲春秋時晉程嬰藏孤處山腰有藏孤洞有廟祀趙武又報恩祠祀程嬰公孫杵臼後增韓厥凡遇旱災邑人多禱於山鄰邑有不遠數百里來者碑字少肥尙有六朝人氣味文敘藏孤事悉本之史記趙世家而辭不達意如云廟之東巖石之罅靈泉涓滴有取一勺之水爲濟大旱廟之侑坐趙孤者靈更明矣人有竊負而往者亦能救旱意其禱中之風不墜焉不可發千古之一笑乎

昌甫公廟碑銘

大定十三年 王遵古撰今在汾州府

謹案遵古熊岳人金史有傳時爲汾州觀察判官

先軫廟碑

大定十五年 今在遼州

謹案碑爲少中大夫行遼州刺史並知軍事趙揚撰
忠顯校尉遼州軍資庫都監耶律質書軍事判官鄭
元篆額州東有箕山唐時嘗取以爲州名故世謂州
卽春秋晉敗狄處而祀先大夫於州城也

西京大普恩寺重修大殿碑

大定十六年 今在大同府城東南寺中

驛書亭集右大同普恩寺碑記宋修武郎借吉州團練使
充通問副使婺源朱公弁所作也公以建炎元年十一月
奉使爲金人所留迫之事劉豫不可欲易其官不可採策
使之歸復命其語耶律紹文曰上國之威命朝以至則使

臣夕以死夕以至則朝以死觀其懷節臥起悲歌慷慨與漢之蘇武何異非孔子所稱不辱君命者歟記成於金皇統三年二月實高宗之紹興十三年也於是公之去國蓋十七年矣題曰江東朱弁而不書官又其上系以皇統年號論者疑公自貶其辭合乎古君子危行言遜之義而未得其本也公之歸宋在是秋七月記之作當在和議初成而公臨發之時也彼寺僧者見公既去不能原公大節所在惟知奉國人之法輒削去其官爵增易其紀年無足怪者史載公被留時嘗具酒食告僚友曰吾已得近郊某寺地一口畢命諸公幸瘞我其處表曰宋通問使朱公之墓於我幸矣而公碑文亦曰余築館之三年歲在庚戌冬十月行遷於茲寺然則所謂近郊某寺者殆卽普恩寺非耶

史亦載公以文字教金之貴人子弟使之就學因得以利
好之說進蓋公之文有不得已而爲之者當其時宋諸臣
留於金若宇文虛中吳激蔡松年之徒多以文學自命願
寺僧獨以公之言爲足重於世亦以見恭敬之不可棄而
忠信所以行者遠也嗚呼士君子不幸生喪亂之際又不
幸以文章爲世所重得其文者或不原其志意所在輒更
易以就時人之耳目至使大節皎然如朱公者幾無以自
白於後世讀普恩寺之碑其亦可感也夫

大同府志碑爲皇統三年二月丁卯宋修武郎借吉州
團練使充通問副使蔡源朱弁撰文同知西京留守太
同尹兼本路兵馬都總管府事丁暉仁篆額西京路都
轉運副使孔固書大定十六年立石

案立石之年距撰
文時已三十四年

必謂皇統字爲寺
僧所著亦未必然

九龍廟碑

大定十六年 崔昇書今在太原縣故城北

潞城縣修學記

大定十六年 進士楊植撰主簿趙謙立石

左丞紇石烈良弼墓碑

大定十八年 舊在大同縣拒牆堡

志略金左丞相封金源郡王謚誠敏紇石烈良弼墓碑翰
林待制移刺履奉勅撰良弼居宣甯以大定十八年卒

大通寺釋德崇塔銘

大定十九年 今在黎城縣東北辛村里

舊通志釋德崇棲大通寺化去定遠大將軍開國伯完

顏真建立石塔校書郎雲騎尉平水毛應撰銘

重修城壁創開西門記

大定二十一年二月 李晏撰今在保德州

謹案記稱保德軍城西南臨溝輒修輒圯乃於木瓜崖隨其形勢裁削壁立築城一百七十步又城中無水於石渠之上累甃爲洞創開西門以便汲者結銜少中大夫知保德軍輕車都尉開國子食邑五百戶賜紫金魚袋隴西李晏考金史及中州集皆無知保德軍事其自署隴西乃李氏郡望亦不得謂與文簡別是一人疑其先由衛州防禦判官遷知保德不久卽召爲應奉翰林文字史略而不書耳

通真觀呂仙詩石刻

大定二十一年 草書今在蒲州府寥陽宮

蒲州府志大定中臨晉人於通真觀作千道會黃冠雲
集衆中一人布袍革帶草履幅巾入門徑就殿西拂拭
素壁大書一絕振衣而去句云余向金華謁帝回首陽
鄉國暫歸來羣迷不識吾家趣何日重尋闕苑媒後署
巖客二字其書一筆所成如蟠龍奔馬非人世所有因
摹之勒石至明時爲山陰王取去置州之寥陽宮俗稱
爲瓜皮書傳云洞賓食瓜訖卽以其皮作書也

西京副留守李晏德政碑

大定二十三年 邊元忠撰舊在大同府

謹案碑稱李公以大定二十二年正月自祕書少監
出佐是京是年天子遣使巡行天下政迹又冬十有

一月詔赴闕授翰林直學士兼太常少卿前後授官
悉與金史本傳合而碑並詳年月又遣使巡行天下
事不見於世宗本紀尤足補史略也

雄山先師殿碑銘

太定二十三年 今在長治縣蔭城鎮

長治縣志碑前書林泉散人李淑篆鄉貢進士李鈞書
鄉貢進士秦果撰後署太定二十三年歲次癸卯九月
一日本村李植立石據文僧瓊沃爲唐之宗室出家得
道者後人爲建菴山中奉其遺像有小井飲可愈疾名
爲聖井山有金鑑時夜出謂之聖鑑果爲此記隨俗尊
爲先師其時士大夫佞佛成風不以爲怪也

大雲寺碑

大定二十三年 今在長治縣蔭城鎮

長治縣志碑爲鄉貢進士李鈞撰秦果書郭璋篆習瑜
伽大教住持沙門淨倫立石碑云寺於正隆中遇國家
降賣名額詣官投狀納縉賜大雲勅額納錢買度牒師
號寺觀金史謂始自世宗據碑則海陵實先行之矣碑
後有跋云昔杜元凱以平吳之功刻諸二石一立於山
一沈於水慮陵谷之變遷古之好名者也李植等建祠
立廟功德難量口視身後之名期於不墜刻諸琬琰同
乎古人而已蓋與前碑爲同時所立故援征南爲比雖
擬人不倫然植之名頗藉以存惜其文太支離也

奉訓大夫京兆府咸甯縣令冀天龍墓表

大定二十五年二月 郭天麟撰今在太谷縣東三十里

白念都

李植墓表

大定二十五年十二月 馬太初撰今在長治縣蔭城鎮

文見縣志

問喜宣聖廟碑

大定二十六年 今存見縣志碑目

中鎮應聖公神祠碑

大定二十八年九月 今在趙城縣東霍山上

舊通志宣武將軍行縣令仇守中撰狀元及第邑人王

綱書案劉於衛紹王大安元年及第在書此碑十三年後

龍巖禪院功德碑

大定二十九年 行書今在芮城縣水門村

舊通志村有楊林古寺金大定間沙門福全

案碑作詮

募納

錢百餘貫降勅牒賜名龍巖僧福澄又遷建禪院有記

案碑無撰書人前題惟大金河東南路解州芮城縣供酒管承昌口建立龍巖禪院功德記後署大定二十九年歲在己酉五月文多剝泐末云惟願三靈協慶萬寶皆昌云云是年正月世宗升遐章宗嗣極故爲頌禱之辭也

岱岳行宮廟地界碑

大定二十九年 今在潞安府城天齊廟

長治縣志碑前刻印文契據二事一爲大定八年八月

十六日上黨縣錄事司所給僧人地契文剝蝕可辨者

不及百字前有上黨縣闕時闕錄事司七字大書末行

年月鈐上黨縣印篆文九疊方一寸一分許卽記中所

謂戊子歲經上黨縣照對移錄事司吐退官地也一爲

大定二十年十一月日給看管人公據前列昭信校尉
行縣尉飛騎尉王忠信校尉行主簿吾古倫顯武將軍
行縣令騎都尉劉又使衙二字另行大書其下有公據
二字又來字號三字餘文五行字多殘闕末行鈐印一
其文可辨者有潞州提舉字大於縣印三分許卽記中
所謂奉使衙依准省部條理差官點檢給付公憑也使
衙者節度使也金節鎮所屬無官職名提舉者史稱泰
和元年安國軍節度使高有鄰言本州所掌印三日安
國軍節度使之印曰邢州觀察使印吏戶禮案用之曰
邢州之印兵刑工案用之然則潞州節度印必非一此
印殆卽吏戶禮案所用者惜提舉下字模糊不能詳矣
記稱今有南鄰修建宅舍有侵地步武略張公追到前

後口憑親結指證培立界至云云末署大定二十九年仲夏丙子日記口秦德男秦口立石摹刻周官言以質劑結信而止訟三代古器如匱鼎散氏盤至以訟詞鑄之彝器地界釁爭自昔已然錄此碑以見彼時公文格式

師曠廟碑

大定中 趙廣聰撰今在洪洞縣師村

香巖寺碑

大定中 今在永甯州西六十里

長子縣令烏瑋德政碑

大定中 劉丙撰文見潞安府志

謹案烏遼陽人以大定九年任長子撰文之劉丙者

彭城蓋其郡望其文府縣志僅存節略似石已殘泐矣

陽城令張恪去思碑

大定中 見天下金石志

謹案恪開封人書畫譜引于志作張格誤

超山應潤廟碑

大定中 郭濟明撰今在平遙縣

謹案碑稱宋宣和元年賜額曰應潤廟到今七十年矣大定十二年縣令蘭嗣吉亦祈雨卽應創構喜雨亭於縣署邇來權縣寇公步祈甘雨輸俸錢修祠宇又云公名居慶字伯祥代郡崞縣人自大定乙巳來丞吾邑則撰文之郭明濟實縣人而碑當立於大定

季年戊申己酉間矣

大清觀碑

大定中 今在沁源縣紫金山

舊通志天會間縣令閔密結菴於此後尸解大定十四年密子甯聞於朝賜今名奉訓大夫行大理司直騎都尉河南縣開國男喬辰撰

坐中銘石刻

大定中 喬辰撰今在襄垣縣署

謹案辰字君章號運峯真逸洪洞人正隆中進士中州集不詳所歷官元遺山琴辨引稱爲喬孟州蓋終於刺史也據大清觀碑則嘗爲大理司直而此銘刻於襄垣官舍豈曾作令於是縣歟

和順縣令馬克禮德政碑

大定中 進士嚴垣撰見志略

天慶觀碑

大定中 保德州刺史梁鉞撰今在河曲縣

靈瞻廟碑

大定中 趙懷允撰今在平定州西二十五里獅子山

謹案廟又名蒲臺神鄉俗禱雨所祀也據記宋崇甯三年用刺史西榮院使高權之請賜額曰靈瞻不詳王號元呂思誠記謂廟額曰王在宋金之間殊無可考呂記言撰文之趙懷允自署東山當是榮平人亦不見於新舊志

大普恩寺重修碑

明昌元年 舊在大同府南寺

大同府志西京大普恩寺重修釋迦如來成道記試國子祭酒兼翰林直學士知制誥同修國史党懷英篆額銀青榮祿大夫柱國金源郡開國公食邑二千戶食實封二百戶 闕名 書開府儀同三司判西京留守大同尹兼本路兵馬都總管食邑一萬戶食實封一千戶大功德主 闕名 立石

謹案志不詳撰人似卽出承旨手元龜山云承旨文似歐公篆繪入神李陽冰後一人而已金史本傳明昌元年懷英再遷國子祭酒與碑結銜合其書者姓名自明時已缺今則並石亡矣

太原府學廟碑

明昌二年 趙胤撰書在府學

謹案明昌之初守太原爲五臺張大節章宗以并代鄉郡故優寵之也史稱大節素廉勤好學士諭以風鑒歸之故到官卽有修學之舉碑云是年登龍飛榜學籍凡七人翰林應奉王澤首冠多士可以想見其盛矣胤字文孺號黃山官至禮部郎中此其爲翰林修撰時所作也黃山詩文字畫與党承旨齊名人謂之党趙見中州集

重修記聖碑亭記

明昌三年六月 今在浮山縣

浮山縣志承務郎前太常博士兼校書郎雲騎尉賜緋魚袋致仕平水毛應撰鄉貢進士孔之固書

定中宮銘

明昌三年閏六月 今在鳳臺縣二仙廟

鳳臺縣志碑爲晉城縣泊南趙口書四六行文頗爲簡

淨

興儒里碑

明昌三年 今在隰州北川

謹案文爲州主簿宋元吉撰因里名而勉州人以學也後有鄭時昌跋稱吾友宋君祐之以壯歲登名場第二政是邑時昌洪洞人大定中狀元

福巖寺牒

明昌四年八月 今在壺關縣

謹案牒給自大定至明昌時寺僧淨口摹刻者與鳳

臺普照普覺二寺牒式略同而此則摹之原牒也前
大書尙書禮部牒五字下細書云潞州壺關縣東坊
八龍王院僧清眞狀告自來別無名額已納乾合着
錢數乞立寺名勘會是實須合給牒者又大書牒奉
勅可特賜福嚴寺牒准勅故牒除可特六字正書外
餘皆行草極飛舞之致又細書大定五年三月十日
令史向昇主事安姓名下各有花押又大書中憲大
夫行員外郎李郎中鎮國將軍行侍郎阿典正奉大
夫禮部尙書兼翰林承旨王末則寺僧立石年月也
其大定年月一行鈐尙書禮部之印文九疊用細絲
方止二寸也大定三年至五年爲禮部尙書者乃王
競卽安陽王無競也金史中州集並有傳前二牒有

知制誥修國史字此不書偶略也宋金寺牒今多有之其摹刻原文者僅見故詳著之

白鶴觀全真碑

明昌五年 舊在潞城縣東門外

謹案碑記申先生上昇事云申自稱羊住嘗從大禹山遇葛真人授以太陰鍊形之說年八十三明昌癸丑七月解形去殞縣東南是歲十月白鶴觀道士王可守等作黃籙醮事雷發申豕啟棺但餘隻履薄衾椶扇三物觀者咸敬異之爲作堂於觀之西偏登以輒函掩其空棺而設像其上云云末署延川秦知常清風子記

慈相寺碑

明昌五年 安泰撰今在平遙縣

昌甯公廟碑

明昌五年 今在甯武縣界定河村

舊通志廟在故甯化縣西南二十餘里定河村之側有小邱舊傳爲臺駘墓上有叢祠州判官任知微修廣之大梁張守愚撰記云唐有令狐楚謝雨文之碑晉有昌甯公之封宋有靈感元應公之贈宣濟廣惠之額今則威靈素著有定河之稱

宋勅賜旌忠廟牒

明昌五年 今在澤州府城

鳳臺縣志旌忠廟牒宋宣和四年勅賜金明昌五年許安仁募勅於石牒云禮部狀承勅吏部尙書王孝迪劄

子奏云請進止牒奉勅特封忠烈侯牒至准勅故牒宜
和四年五月牒大中大夫守右丞李大中大夫守左丞
王少傅太宰考牒中右丞李者李邦彥左丞王者王安
中少傅太宰而不書姓者王黼也其時奸臣擅權蔡京
之後繼以王黼誤國亂政元氣剝削已盡而牒文已非
國初體制可以觀世變矣

宋祭裴忠烈文石刻

同前

鳳臺縣志石刻在旌忠廟宋知軍州陳仲儒撰文剴切
激壯後有許安仁詩云郭師求書陳君祭文於石因取
近所作過旌忠廟詩並書以遺邦人歲時歌以祀庶克
見烈大夫之髣髴也明昌五年九月三十日書內稱郭

師則道士郭景紹也

碧落寺創修溪堂記

明昌五年閏十月 許安仁撰今在鳳臺縣北十五里

鳳臺縣志記中辨摩崖碑甚詳以陳維玉書爲僞斷爲黃公譔自書取宋胡澗之說也按記稱永清二年太尉韓王元嘉請子訓誼譔譔爲其世妃祈禱妃房氏喬松之女也考新唐書高宗永清壬午只一年二年癸未卽改宏道十二月崩至次年甲申武氏得政自以光宅改元加元嘉太尉徙定州並非二年卽官太尉又考妃爲道愛之姊道愛於高宗永徽四年以謀逆伏誅妃幾連坐以元嘉之賢獲免是時后立法嚴峻意在翦除宗室韓王諸子恐未敢於澤州顯爲妣妃祈福且澤州立碑

距絳州十年黃國公讓早守通州武后垂拱二年始移疾歸應越王起兵碑之刻非讓書無疑据元嘉本傳王至孝在潞州聞太妃疾卽涕泣不食及居喪京師哀毀骨立或此碑爲宇文太妃祈冥福也案安仁刺澤州唐書力駁之不知高宗癸未十二月始改元宏道安得云永濟無二年大尉乃許記泛稱並非原碑中語摩崖字多出摹刻必謂黃公身未至澤亦膠執之見

青蓮寺詩碣二種

明昌五年 今在鳳臺縣

鳳臺縣志詩刻七絕郡守許安仁句後跋云與進士王瑜陳子範張天祐卜世長段坦之李師尹吳芝僧源同宿福巖院翌日登佛閣望左右諸山旣而涉丹水之南回顧殿閣在青巖間仍請天祐鼓琴行酒爲方外樂寶

寂付弟寶定刻石明昌乙卯歲四月九日其西院又有詩刻安仁七律二僧寶寂後跋稱寂書生祝髮學羅漢一瓶一鉢尤喜爲詩所謂獨有這箇在也明昌五年八月二日五年爲甲寅六年則乙卯也

應州修學碑

明昌九年 翰林學士李仲略撰今存

謹案李仲略字簡之文簡公晏之子也大定中進士與學賦石刻

承安三年 行書今在潞安府學

長治縣志碑前書興學賦并引東山逸叟申良佐呈後書承安戊午十二月中陽日承事郎守信州軍事判官倬謹書丹其序稱州守喬侯修學自大定丁酉五月經

始至是年十月告成方工之畢適有旨立學官養士故
作賦以獻考金史府學大定十六年置後增州學凡試
補學生州府以提舉學校官主之丁酉爲大定十七年
則州置學當在十八九年內後二十三年始追刻此賦
也喬侯不詳其名撰書人亦別無所見觀其詞意蓋皆
潞人也

禮部尙書昭義軍節度使李晏墓碑

承安中 許安仁撰舊在高平縣北陳村

謹案金史晏以承安二年卒年七十五謚文簡時知
澤州者爲晏子仲略安仁當守河南府也

畢宿廟碑

泰和元年 許安仁撰今在汾州府西北三里

汾陽縣志記稱宋景德以前已有之中州集許內翰安仁字子靖河間樂壽人大定七年進士歷禮部員外郎出守澤州同知河南府事以汾陽軍節度使致仕元遺山題許汾陽詩後云許彥清示其從祖汾陽山水圖詩語意高妙而其字畫與明昌辭人龍岩黃華黃山諸公各自名家世尤寶惜之今廟中碑具存

主事麻乘彝墓碑

泰和元年 王庭筠撰今在虞鄉縣

謹案黃華老人以元年召爲翰林學士其年冬卒據碑所署銜則卽末年筆也

慈相寺僧塔記

泰和元年 趙大瑞撰嚴坦八分書今在平遙縣

碧薜堂詩碣

泰和二年 趙大瑞撰今在平遙縣慈相寺

堯陵碑

泰和二年 今在臨汾縣郭行里

志略堯陵在城東七十里土人謂之神林高一百五十尺
廣二百餘步旁皆山石惟此地爲平土深丈餘明初訪歷
代帝王陵墓山東東平州以堯陵聞載之祀典當時禮臣
殊未詳考平陽故都有陵且山東之陵亦不在東平也雖
必路史有考顧炎武日知錄有辨今並錄之

案所引皆詳古蹟考

龍祥觀天壇三清殿碑

泰和二年 今在浮山縣西八里辛村

志略碑爲將仕郎隰州隰縣主簿段時可撰定遠大將軍

行平陽府浮山縣令兼管勾常平倉事上騎都尉天水縣
開國伯食邑七百戶趙關并篆額進士李彬書進士劉著
立石在辛村甯真觀中

靈澤王廟碑

泰和二年 今在潞城縣神頭村

潞城縣志廟祀唐李衛公進士王陸臣撰碑略云主上
卽位之三年慮勳臣烈士祠宇有未稱者詔郡國各以
狀聞時前政馬公節度潞事遂以聞上符下所在出外
府金泉以給經營之費而資政大夫李侯與主簿孟公
監董其事卽役於明昌三年十月畢工於四月云云末
署泰和壬戌重九前三日記參政馬及令簿皆無可考
而章宗初年太平雍熙之象卽文所述亦可想見

劉長生白蓮花辭石刻

泰和二年 今在鳳臺縣曲河觀

鳳臺縣志辭三十首後書泰和壬戌元宵前進士張崇

古立石碑陰書王純陽馬丹陽劉長生邱長春譚長真

爲五逸詩端城道人韓士倩跋河南蘇訪繪五逸像鐫

石詩辭跋語雖淺近發人深省書法似黃華老人紫劉

名處元全真教師也金正隆中重陽真人王嘉偈全真

之學弟子七人其一邱處機次譚處端次劉處元次王

處一次郝大通次馬鈺及鈺之妻孫不二號邱日長春

諱曰長真劉曰長生王曰玉陽郝曰廣甯孫曰清靜唐

人並結爲方外眷屬見劉祖師仙迹記及唐

順之史纂左編此碑不數郝王孫三人而以教祖重陽

與馬劉邱譚爲五逸又別一說

寶公開堂疏碑

泰和三年 今在汾陽縣北十里劉村

汾陽續志在劉村顯慶寺篆額皇兄翼王府疏六字碑
第一行首七字爲妄人削去下列奉請汾州西河縣二
字顯慶禪院寶公長老爲國開堂祝延聖壽者次列疏
文末題和三年十一月日鈐翼王府印第二西河縣
下二字年號上一字亦削去最後題文林郎翼王府文
學兼記室參軍賜緋魚袋胡世忠又小楷一行云介山
進士王唐裕晉汾水畢城募刊並篆額按金史翼王有
二其一爲太宗子翼王鶻懶見熙宗本紀及宗室表其
一爲宣宗承安元年進翼王見本紀金源諸帝紀元惟
章宗有泰和宣宗爲顯宗長子章宗異母兄泰和間正
宣宗居翼藩時也則此碑所稱皇兄翼王卽宣宗無疑
所削紀元上一字當是泰字百官志親王府屬官文學

二人從七品掌贊導禮儀資廣學問記室參軍正八品
掌表箋書啟之事大定七年置二十年不專除令文學
兼之碑末結銜與史合但志稱文階從七品上曰承務
郎下曰儒林郎王府文學屬從七品而系以正八品之
階未審何故地理志介山在汾州介休縣境內書碑者
自署介山當是介休人今郡邑志科目門俱失載

萬泉宣聖廟碑

泰和三年 張邦彥撰今存

謹案邦彥平陽人明昌進士官當川令碑云河中萬
泉簿劉從謙字光甫世爲安邑人以明經擢進士第
泰和元年冬十月下車翼日躬詣學校瞻前宰趙瞻
與攝令鄭滋碑刻修學之事兵火之餘蹤迹蕩然用

慨然欲加修飾云云趙鄭修學當在宋時其碑今不可見光甫中州集歸潛志並有小傳名祖謙而此碑作從謙與京兆府承安五年進士題名碑合殆其後改名祖謙也

開喜縣宣聖廟碑

泰和四年 見縣志碑目

夷齊廟碑

泰和四年 河東縣令王文蔚撰今在永濟縣

海會寺詩碣

泰和五年 今在陽城縣

陽城縣志徐守謙撰序云寺主潭公告僕昔有竹徑通幽處禪房花木深次以十韻留題於壁爾後風雨所壞

遺失五韻爲終身之歎於是再四命僕復成前五韻爲
後人捧腹云時泰和乙丑閏八月十有四日

白鶴山顯聖祠碑

泰和五年 今在崞縣東南七十五里

謹案縣志碑爲牛國儒撰其銘云陶原之左白鶴其
鄰天涯之右南接漳濱有池寄此西臺其神又云亢
陽祈禱甘澍旋臻其祠似祀龍神者而碑但述歷來
緇流又易廟額顯澤靈祠爲顯聖殊支離國僑不詳
何許人自敘云余寓崞山木生里清河公門下誘厲
後進殆學究之粗能搦筆者耳

峽石山福巖院碑

泰和六年 今在鳳臺縣

鳳臺縣志州守楊廷秀撰書郡人按察副使郭侯象額
記稱懸遺投墨始衣鉢周武帝承光二年詔集沙門欲
廢釋教遠公面折之此段與唐司徒太常僧業羽記合
至所稱示寂後適隋亂與唐記不符未知何據又記稱
前郡守許文簡安仁子襄獻仲略及郡人郭侯金史皆
有傳全金詩楊廷秀小傳稱其詩格以被脅伏法士論
惜之考泰和六年金伐宋侯充申差山東安撫副使前
已遷國子祭酒此仍書按察副使或偶爾借銜歟

松嶺寺詩碣

泰和六年 楊廷秀撰李俊民草書今在鳳臺縣

鳳臺縣志石刻草書筆勢飛舞詩亦佳後書泰和丙寅
後一日與客發松嶺謁李衛公祠留題法輪院華山楊

廷秀

松嶺法輪院碑

泰和六年 楊廷秀撰書李俊民篆額今在鳳臺縣

鳳臺縣志記中敘高僧奉教於天福年間住持宋太平興國時捨身自焚留舍利子宗愍靖康末遭兵亂誓死謹守禪房寺獲全金大定二十九年湛建慈氏閣記之以爲傳燈錄續太和丙寅端午日記據元史李俊民傳金承安五年及第供奉翰林文字旋棄官不仕今書彰德節度使判官提舉學校常平倉賜緋銀魚袋雲騎尉全官階與史不符

青蓮寺詩刻

泰和六年 楊廷秀撰今在鳳臺縣

鳳臺縣志詩七律後書泰和丙寅三月上澣日華山野
叟楊廷秀茂才同來者倅車完顏永協和卿晉城丞馬
國基仲賢司獄夾谷裕仲寬東林母彥倫俊卿男謙華
侍行

靈泉寺萬松亭記

泰和六年 楊廷秀撰今在陽城縣臥虎山

景德寺宋中書牒

泰和八年 今在鳳臺縣高都鎮

鳳臺縣志石刻寺中前書中書門下牒景德寺澤州僧
道幽丹水山慈善寺牒奉勅宜賜景德寺爲額牒至准
勅故牒景德四年十一月日牒右諫議大夫參知政事
趙押 兵部侍郎參知政事馮押 工部尙書平章事王司

戶參軍孫

押

錄事參軍王

押

推官趙

押

判官葉

押

知軍

州兼管內勸農事石

押

末書大金泰和八年十一月二

十日僧善雲立石州之知州推判參軍等名俱無可稽

其參政趙者趙文定安仁馮者馮文毅拯平章王者王

文正旦也石爲金時追刻錄之以見宋初牒文之古與

後不同並可想見當年品望之重云

董師中樂府辭石刻

泰和九年

今在平遙縣城集福寺

志略石嵌寺壁泰和戊申前四月中旬後二日庚口汾庠

進士馮天傑跋昭信校尉行汾州平遙縣尉劉鎮立石

平遙縣志董紹祖樂府辭字作行草詞極婉麗淮海書

卿可相伯仲不知所索桃源懷故人原唱所云提筆立

就者更復風流藉作何許狀也

平陽修廟學碑

泰和九年 孔天監撰舊在府學

元德明墓銘

添和中 楊慥撰舊在忻州韓巖村

中州集鄉先生權參知政事代郡楊公叔玉撰先人墓銘

今略載於此先生姓元氏云云施嗣祁元遠山詩集箋注

年中州集本傳云先人捐館後十年好問避兵南渡合之

以聽上人書甲戌渡河之說當在泰和中年又據兄敏之

銘云年二十將就科舉時先東嚴君已歿敏之歿於貞祐

二年甲戌年二十有九上教之知東嚴當卒於泰和三年

鴻雲樓記石刻
大安二年四月 舊在平定州署東北隅

志略樓舊名思武宋大觀四年平定尉高公純更名湧雲

金禮部尙書趙秉文爲刺史時作記秉文字周臣號閑閑

湓水人文章德業爲時推重讀其記低徊悵藹然仁者

之言敬齊古今黠歐陽棐永叔第三子也永叔嘗書以教

所以應物善蓄則不竭善應則無窮雖學則可至然性近

則得之易也蘇子瞻知定州朝辭上書曰古之聖人將以

有爲也必先處晦而觀明處靜而觀動則萬物之情畢陳

於前陛下欲有爲也欲惟愛大早不患稍遲近世趙禮部

秉文周臣作平定洩壅濶則晦吝不生昭曠則不蔽於物其

於居室也亦然菱與之居澗如也高明之居曠如也調經

所以存神昭曠所以知政靜以養心動以應物萬變之來

了然吾胸中而不然蘇大旨一本於易易之明夷曰明入

地中明夷君子以莅政用晦而通

遊懸泉賦石刻

大安二年九月 趙秉文撰并書舊在平定州娘子關

澄水集庚午之秋九月望趙子與客遊乎承天之廢關置
酒如女祠影側千山暮蒼素月如拭形與影俱口响互答
一談一笑超然自得元遺山集遊承天懸泉詩云問問老
仙仙去久石壁姓名苦難清此公可
是六一翁四十年如電抹自注開開公守平定以大安
庚午來遊迄今壬子四十年又跋國朝名公書云開開
公書如本色頭陀學至無
學橫設監說無非般若

慶安亭記

大安二年 孫鎮撰舊在絳州

琵琶寺詩碣

大安三年 今在鳳臺縣琵琶法

鳳臺縣志石刻前列鄉貢邠州節度使趙忱防禦路元
唱和五古各一首進士呂天賜跋吳焯書沙門洪讚立
至大安二年六月二十四日詩字古遵可愛按府志及

高平志皆以路元爲高平人官河南按察轉運使據詩刻趙忱序云余與路君同鄉里距洞子寺半舍相約爲盧阜遊路元序亦云大安三年謫居鄉里從趙君卿同遊元實係澤人非高平也諸志皆言官轉運使或謫居後起爲是官亦未可知

崇仙觀賜額牒

崇慶元年 今在潞城縣合室鎮

潞城縣志牒前書尙書禮部河東運司觀額中云潞州天甯觀道士趙仲文告先有潞城縣合室有玉皇廟一所看廟弟子張守桂自來廟無名額今折納訖銀鈔買利空名觀額一道請書填崇仙觀本所照勘相同合行給賜者牒奉勅可特賜崇仙觀牒至准敕故牒崇慶元

年拾月令史李璠主事侯利建後列中順大夫禮部員外郎本著作郎木甲中順大夫提點司兼禮部郎中翰林院修撰趙忠侍郎通奉大夫太子太保兼禮部尚書翰林學士同知制誥修國史張按崇慶爲衛紹王卽位之四年金史是年五月詔賈空名敕牒時以太子太保兼禮部尚書者張行信也案牒內自郎中以下官皆書題二字一在行首一在行末殊不可解錄之以見彼時格式亦可以觀世變也

郭息軒墓碑銘

崇慶元年八月 趙元撰今在定襄縣芳蘭村

謹案息軒名郭字君玉碑稱其力學舉詞賦進士既冠已預雲中薦書中年以來絕意進取隱於東山下榜其軒曰息因以自號云云三朝北盟會編金府

試關西及河東兩路就雲中蓋明昌以前之制也金
史凡詞賦經義進士府試之處明昌中增平陽承安
四年復增太原則河東兩路各就近試定襄屬河東
北路當應舉太原不復至西京矣趙元字宜之亦定
襄人壯失明有詩名中州集所謂愚軒居士也

晉氏墓碑銘

崇慶元年 王汝撰今在長治縣長井村

長治縣志碑稱晉氏本居平陽隋大業間卜居東樊之
陽名其里曰長井其居壺關者曰晉莊末書崇慶改元
三月既望進義校尉晉珪立石

二張仙碑

崇慶元年 今在鳳臺縣郭莊

鳳臺縣志撰書皆道流記稱大張崇真邑人小張道恒
京兆人邂逅林泉一語機投同遇劉長生密傳法印先
後坐數同穴瘞之是歲崇慶改元後有唐純素者亦相
繼化去考二張載於通志府志所云崇慶改元則衛紹
王改元也大安崇慶間史多諱辭碑凡三見俱書崇慶
改元而不紀年月

戶部尙書武明甫墓碑

崇慶元年 李仲常撰今在陵川縣

謹案碑文見縣志題云特贈紫金光祿大夫上護軍
戶部尙書太子太保太原郡侯賜諡文端無疑武公
墓表碑銘明甫由狀元官至六卿金史無傳碑文尤
駭疑石有缺泐志從節錄故訛大安爲大定崇慶爲

崇甯也李仲常志注云關中人官侍郎

大雲禪院碑

崇慶元年 州人董應撰今在沁州西郭村

謹案州志稱宋時建寺崇慶間賜牒今牒無存

福巖寺石記

崇慶二年 今在壺關縣紫團山

謹案碑記本院山林四至及僧數後署皆大金崇慶二年歲在癸酉三月丙辰望前十有五日信諒禪師立石案金史衛紹王紀是年六月改元至甯九月宣宗卽位改元貞祐碑立於三月故書崇慶二年也望前十五日卽朔也而不書朔已奇文首云本院乃洛京普明院之下院也具先師信諒禪師行狀記內似

別有一碑專爲信諒立者而此復云信諒禪師立石何耶

荀息廟碑

至甯元年 今在鄉甯縣柏山

大雲禪院賜額記

貞祐三年 董應撰今在沁州郭村

謹按碑稱國朝改元崇慶許隨路分甯寺觀名村衆詣於有司納訖錢鈔仍就平陽府降投到勅牒書填其額目曰大雲禪院據金史胥鼎傳貞祐二年拜尙書右丞知平陽府三年四月乞降空名宣勅一千紫衣師德號度牒三千以補軍儲詔如數亟給之碑立於三年七月所云就平陽降投勅牒事與史合而又

謂隨路分甯始於崇慶改元則較史爲詳蓋莘國亦沿例陳請非創舉也

福巖寺記遊石刻

貞祐五年 今在壺關縣

壺關縣志石刻四段蓋宋隆德府通判岑彥休過寺留題金時有弼夫者得其文自爲序跋重書之壁間樂靜道人牛某並鐫之石據弼夫序彥休在當時實負盛名卽樂靜當亦金末縣人之能文者惜石闕一字與弼夫並佚其名貞祐三年元兵再破潞州後跋所云乙亥之冬熊耳精藍遂遭兵火也其貞祐五年乃興定元年也碑仍書貞祐與前碑以至甯爲崇慶同按碑未署云貞祐五年二月上休日樂靜道人牛口祖口休立石

據金史是年九月始改元興定

道士丁善淵碑

貞祐末 今在垣曲縣南洪慶觀

舊通志洪慶觀舊名金闕院金貞祐末道士丁善淵化
去河南府教授翟飛雄勒石觀側

榮鄉亭記

貞祐中 李純甫撰舊在河曲縣

元好問白善人墓表惟火山自太平興國中升爲軍宣和
末僅有上舍宋生厯大定明昌官學之盛然後公之二子
擢魏科取美仕邦人築亭以榮鄉名之屏山李君之純爲
作記辭與事稱相爲不朽

案文白全道子五人次貢泰和三年進士次華貞祐三年進士

崇慶院碑

興定二年 今在潞城縣雲巖山

潞城縣志進士杜飛卿撰碑略云院創於唐景雲元年
今有古碑雖風凌雨剝字盡漫滅猶可尋考又云曩以
北兵深入侵蝕河東佛寺祥林悉爲煨燼獨此金田秋
毫無犯蓋指貞祐中元兵下潞事也然是年十一月元
兵復收潞州以迄金亡無歲無兵矣

慶陽軍器庫監劉昂霄墓銘

正大二年 元好問撰舊在陵川縣東二里楸樹窠

謹案道山集景元以元光二年終於永甯之寓居槿
殯郭西南一里于庸將以某年月日歸葬陵川之先
塋又稱正大乙酉夏余自京師來哭其墓云云則銘
爲預作其歸葬當在金亡後矣又據集中吏部掾屬
題名記是年道山爲國史編修官故居京師也

規措使陳仲謙墓碑

正大二年 元好問撰舊在臨晉縣

謹案此碑不見於道山集府縣志俱不載惟寰宇訪碑錄著其目蓋據舊通志也金解鹽池及京兆三白渠並有規措官正七品此未詳何任又考臨晉志大巖山有陳氏十墓注列仲謙名其不言有碑蓋石已失存後來修志者削之也

贊皇郡太君梁氏墓銘

正大八年 元好問撰舊在蒲州府

謹案道山集夫人廣甯人河中李獻卿之母也獻卿與母弟獻誠獻甫從弟獻能皆舉進士世稱李氏四桂者也銘爲正大乙卯夏獻卿官戶部郎中時所乞

山西通志卷九十五 卷九十五
者道山方令南陽也是年九月元兵陷河中李氏家亦破矣

處士元滋新墓銘

開興元年 元好問撰舊在忻州韓巖村

謹案道山集滋新字仲美爲道山族祖銘稱年五十七終於家距今天子開興壬辰四十年矣哀宗以壬辰正月改元開興四月又改天興銘成於春間元兵圍汴之前蓋與兄敏之誌皆追憶爲之其立石皆嘗在後七年己亥歸里後矣

元好古墓銘

同前

謹案好古字敏之以天祐二年三月歿於元兵屠城

之禍年二十九今石已亡乾隆中知州汪本直修元墓並刊墓圖而自遼山墓誌外皆無石記卽姜或所書遼山碑亦斷爲二仆草中今錄東巖諸銘冀有好事者爲之市石補書揭諸隧道豈非先生九原所爲慰情者乎

章宗詩碣

今在交城縣永甯寺

以下皆未詳年月

舊通志寺有金章宗詩萬松老人

名行秀

趙點和構殿元

郝天挺胥有詩

忻州廟學碑

徐州姚孝錫撰

謹案孝錫豐縣人宋代州參軍金初署五臺簿移疾

山西通志卷九十五 金石記一 三十一
去卽家五臺碑不書歷官殆猶以宋遺臣自居也

大明寺碑

今在歸化城東五十里白塔村

朔平府志碑字模糊不全上刻故開府儀同三司上柱國代國公完顏赧代國夫人耶律氏雲中張建中篆鄉貢進士王綽書天輔年立

謹案完顏赧金史無其人當是宗室表之骨赧志脫骨字又誤赧爲赧本傳骨赧領軍鎮夏邊者凡十二年天眷初爲天德軍節度致仕累遷開府儀同三司卒年八十五白塔爲遼金豐州天德軍故治蓋久官於此者史不言封代國碑不著節度使互有詳略也碑著故字則立於卒後當天德年云天輔諡金自太

宗天眷三年始定官制爵號且天祐之末遼主尙在
夾山此地尙未爲金有也

平晉縣建賢堂記

郝鍾撰舊在太原縣東平晉故城

太原重修學記

王庭筠撰並行書舊在平晉故城

蒼潤軒碑跋黃華此書筆勢在博州二碑之下晉鄉殿之
寅佳嗜米書兼蓄學米得名者蓋亦從流溯源之意今乃
都歸元白元白其勿厭觀也哉洗研磯邊夏水正漲日臨
百過足矣

金吾上將軍蒲察阿魯答墓碑

舊在太谷縣東南十五里惠安村縣志云墓記尙存

文水龍堂碑

今在文水縣文谷都

舊通志文谷神祠一曰文水龍堂金邑令耶律忠以禱
雨輒應建醕務都監石爲楷撰記

河亭詩石刻

鄭輝撰今在翼城縣路公軒

南京路兵馬都總管趙安時墓表

今在陵川縣東仕林莊

陵川縣志安時字全老正隆間狀元弟安榮亦以第一
人及第

太清觀碑

李俊民撰今在平遙縣

孝子龐整墓碑

今在永濟縣風陵鄉

棲巖寺碑

今在永濟縣

呂仙觀碑

袁從義撰今在永濟縣永樂鎮純陽觀

進士吳永墓碑

子希尹撰今在永甯州西中和原

邊元忠墓碑

舊在大同府見天下金石志

尙書沈璋墓碑

舊在大同縣東一百二十里沈家莊

張詡墓碑

今在懷仁縣東八里下寨村見大同府志

復宿山寺碑

今在山陰縣南三十里

志略王拱撰碑云文殊大師留宿處故曰復宿見天下金石志

丞相高汝礪墓碑

舊在應州南接馬峪前見天下金石志

龍山詩碣

舊在渾源州西南大雲寺

劉祁遊龍山記稍北往西方丈室讀雷少中詩石刻蓋余從大父涪州君所誓又有予從父懷遠君詩在壁又云復

過雲堂讀壁間果秀巖瑀詩字暨亦美案雷少中雷思也天德三年進士官
同州新平轉運使汝州君歸潛志余高祖南山翁金朝初
開進士舉中魁甲繼以二子西巖龍泉同祖第又繼以孫
劉州君又繼以孫中奉君列朝君曾孫翰林君奉政君按
則治州君即汲也劉從益供奉翰林其弟從禹
正大年弟即奉政君稱懷遠者或所歷官也

公孫厚士祠記

何師常撰今在忻州西遙村

謹案記云迄今九原以公孫爲里而有三社其中社
猶有古塚以祠荒而遷於附路與州南程嬰祠乃九
原古雙祠云云新序程嬰公孫杵臼可謂信友厚士
矣用爲號殊奇自曹魏遷沿邊五郡之民於此立九
原縣後人遂以九原爲卽晉大夫所葬之九京而州
北金山古名程侯山說者謂緣程嬰而起遂紛紛以

趙孤事傳合之此記引史記文略備其析水東歷程
侯北山下舊有採金穴故謂之金山本寰宇記引水
經注語今水經注無之此記謂出山海經亦不知何
所見也

薄松年墓碑

郭鄂撰今在定襄縣芳蘭村

張永通墓碑

舊在五臺縣

志略翰林學士蘇珊撰其辭有云功名秣稜富貴浮雲宗
族稱友鄉黨稱仁

崞山神廟碑

張忱撰今在崞縣西南三十里

謹案碑略云崞縣所據之山曰崞山焉是縣因山而
得名也舊有神廟居山之陽耆艾相傳起邑之時有
神兵夜助築其神兵每出入乎神廟之西北坡迄今
名曰鬼兒坪考水經注崞山其地在今渾源州此山
名崞當始東魏地形志廓州武定元年置治郭城隋
志東魏置廓州寄山城案志文似有脫誤當云寄治
崞山城地形志崞山縣屬繁峙郡是也郭廓皆其同
聲字其文互見寰宇記謂廓州以廓闢疆界爲名恐
亦望文生義若碑所云則更語怪無徵矣

擬江樓記

舊在保德州治

志略州治東北城上俯瞰黃河爲一城之勝宋時建金州

守完顏

闕

時撰記後知州李晏

案當云知軍保德升州在大定二十二年晏去官後

也改名安西金燕山李堂有題安西樓詩知州王嘉言有

和元質安西樓韻詩

北齊左丞相咸陽郡王斛律光墓碑

孫鎮撰今在絳州衙內子城東北隅

壽聖寺碑

史中和撰今在絳州蘇村

裴氏族譜序石刻

劉若虛撰今在聞喜縣裴晉公祠

段矩墓表

李愈撰今在稷山縣平隴村

段季良墓表

同上

謹案季良及矩朱司理參軍應規之孫並以隱德稱
李愈亦縣人金史有傳

鄉貢進士房居業墓碑

段秉昭撰今在河津縣午芹村

謹案撰文之段秉昭署中書戶部掾蓋尙書令史也
金制凡官監部譯史令史通事仕進皆列於正班南
渡以後吏習日盛遺出土大夫上至以進士爲出身
不正直乎當時墓銘碑板有出其手者矣

媯皇廟碑銘

王綱撰今在趙城縣

威德院功德記

元好問撰舊在陽曲縣

謹案記稱威德院在晉陽之白馬川之清甯社治平二年賜名國朝皇統初里耆老殷元命梵嚴寺僧善信及其徒果真主之又云寺外直汾流爲木石橋以便往來縣志威德寺在縣西四十里西場村案西場通志作西煙皆不言寺建於何時其地亦不濱汾惟城西十里三給村奉先寺志云元大德間昭禪師建山門有斷碣爲元遺山先生撰文今不存寺佛皆銅像有古繪水陸若干軸造五大部經與記所云僧明珎初刻華嚴經數年迨是而成因大作水陸以新經干部施頗合其地亦在汾西矣存以俟考

最樂堂銘

元好問撰舊在高平縣

謹案遼山集有小序略云工部高平趙公德字沖粹與物無競晚節末路浮湛里社新居有堂取古人爲善自得之義名之曰最樂新興元某爲作銘而不詳趙之名字據金史僕散端傳趙柎字才美高平人進士嘗以刑部郎中推問忙押門事於省中風旨無所迎合蓋卽其人云工部者或後改官也序稱其數歷中外餘三十年朝廷自公宰士皆以爲君子長者是與遼山故當爲前輩也

右金碑碣

山西通志卷九十五